



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Concilivm Silvanectense, In Qvo Episcopi Dvarvm Provincialivm,
Senonensis ac Rhemensis, Caroli regis iussi congregati, Carlomannum eius
filium clericum, ob varias grassationes & perduellionem, diaconi ...

urn:nbn:de:hbz:466:1-15967

tifici competit, pontificali beneficio vos in perpetuum possidere, & in principalibus ecclesiis iuxta primatum vestræ consecrationis vicissim officia diuina peragere, & earum oblationibus, salua semper cardinalium diaconorum prisca consuetudine, æqualiter participare tam propter vsum vestrum, quam in ecclesiarum vestrarum luminarium concinnationes.

ANNO
CHRISTI
873.

CONCILIVM CABILONENSE
IN ECCLESIA SANCTI LAURENTII
trans Ararim celebratum anno Christi DCCCLXXIII.

SYNODI huius meminit Petrus a sancto Juliano in historia rerum Cabilonensium, ad eamque conuenisse narrat Remigium Lugdunensem & Adonem Viennensem archiepiscopos, Liudonem Aedunensem, Girboldum Cabilonensem, & Bernardum Matifconensem episcopos, Leuboinum item chorepiscopum Lugdunensem, cum abbatibus & clericis ac monachis permultis. Meminit & decreti ab ea conditi de ecclesia sancti Laurentii, in qua Synodus agebatur, cum de ea quæreretur, liberane ac sui iuris esset, an sancti Marcelli ecclesiæ, quod ista contendebat, potestati obnoxia. Qua de re quid statutum sit a Synodo, non declarat. Decreto autem appositam fuisse notam testatur anni Caroli Calui regis in Lotharii nepotis sui regno tertii, qui incidit in annum regni eius XXXIII. Christi DCCCLXXIII.

CONCILIVM SILVANECTENSE,
IN QVO EPISCOPI DVARVM PROVINCIARVM,
Senonensis ac Rhemensis, Caroli regis iussu congregati, Carlomanum eius filium clericum, ob varias grassationes & perduellionem, diaconi gradu deiecerunt, laicæque communioni reddiderunt, anno Christi DCCCLXXIII.

CAROLOMANNVM Caroli Calui regis filium, Meldensis ecclesiæ diaconum, in custodiam, propter rebellionem &
Concil. Tom. 24. Ccc

insidias in patrem, apud Siluanectensem urbem missum anno DCCCLXX. fuisse supra dictum est ex Aimoino lib. v. cap. xxiv. Eum inde deprecantibus Hadriani papæ legatis solutum, patremque in expeditione aduersus Gerardum sequi iussum, idem est auctor cap. xxv. At fuga mox elapsus in Belgicam, quod direptionibus omnia sedaret, patris iussu primum ab episcopis per encyclicas literas excommunicatus, tum deinde Synodi apud Siluanectum, ubi iterata custodia tenebatur, sententia diaconi gradu exauctoratus, atque in laicorum ordinem reiectus est. Qua de re in hæc verba idem Aimoinus cap. xxix. Quia multi erant, inquit, in regno Caroli, & in aliis regnis, qui expectabant vt per Carlomannum filium eius adhuc rediuita mala remergerent, episcopos apud Siluanectensem ciuitatem, in qua idem Carlomannus morabatur, conuocauit, vt secundum sacros Canones episcopale ministerium exequerentur. Quod sane ipsi fecerunt, deponentes illum secundum sacras regulas ab omni gradu ecclesiastico, laica sibi communionem seruata. Synodi huius acta non habemus: fuisse aliquando constat in codice sancti Laurentii Leodicensis, in quo hærent adhuc singularum Synodi partium tituli, quinque capitibus distincti, id est:

- I. Proclamatio diuersarum querimoniarum Caroli aduersus Carlomannum, scripta ad Anfegifum archiepiscopum, & Hildegarium Meldensem episcopum, conclusa in capitulis xv.
- II. Epistola eiusdem Caroli regis de eodem Carlomanno.
- III. Recapitulatio prioris epistolæ, scilicet ad Anfegifum & Hildegarium, ac ceteros episcopos ex duabus prouinciis Senonum & Rhemorum, qui sacro Conuentui apud Siluanectis adfuerunt.
- IV. Sententiæ iudiciariæ in Carlomannum prolata: sed & subscriptiones episcoporum simul insertæ.
- V. Tria capitula a rege Carolo episcopis data, vbi accusatio aduersus Carlomannum, & quæsitio consilii de eo tenendi continetur.

NOTA IACOBI SIRMONDI
SOCIETATIS IESV.

¹ *Concilium Siluanectense.*] Ex Synodi huius actis, post indicem quem descripsimus, restabat in veteri codice initium proclamationis.

nis Caroli regis hoc titulo: *Carolus gratia Dei rex Ansegiso & Hildergario ac ceteris episcopis, qui in Christi nomine congregati huic sanctæ Synodo interestis*: Omnibus negotiis diuinæ res præponendæ sunt. & cetera, vsque ad finem pagellæ. Reliqua enim ad delendam, vt reor, funesti iudicii memoriam, iam olim excisa.

ANNO CHRISTI 874. CONCILIVM DVZIACENCE II.

ADVERSVS INCESTA CONIVGIA, ET RERVM ecclesiasticarum peruationes, apud Duziacum villam, Idibus Iuniis, indictione VII. celebratum, anno Christi DCCCLXXIV. Ioannis papæ VIII. anno II. Caroli Calvi regis XXXV.

EPISTOLA SYNODICA CONCILII
ad episcopos Aquitanie.

SANCTA Synodus plurimarum prouinciarum, nutu diuino, & sanctione domni Caroli regis gloriosi, apud Duziacum secus municipium Mosomum Rhemenfis parochiæ, in Dei nomine anno incarnationis dominicæ DCCCLXXIV. indictione VII. Idibus Iuniis conuocata, dilectis fratribus & venerabilibus confacerdotibus nostris, in prouinciis Aquitanicæ regionis sanctas Dei ecclesias gubernantibus, plurimam in Salvatore salutem. Sicut ad humilitatem nostram non incerta relatione atque exinde consultatione peruentum, quamplures, & maxime carne nobiles, & honore temporali sublimes, inter alia Deo & suæ saluti contraria, incestis coniunctionibus, & rerum ecclesiasticarum peruationibus, pestilentia exitiosa in regionibus illis depereunt: affumentes de incesti pollutione velamentum securitatis quorumdam praua & peruersa doctrina, de hoc quod S. Gregorius, sanctæ catholicæ atque apostolicæ Romanæ primæ sedis ecclesiæ pontifex, Augustino primo Anglorum episcopo interroganti vsque ad quoram generationem fideles debeant cum propinquis sibi coniugio copulari, & si nouercis & cognatis liceat coniugio copulari, rescripsit dicens: Quædam terrena lex in Romana republica permittit, vt siue fratris & sororis, seu duorum fratrum germanorum, vel duarum

Responsa
interrog. 6.

Concil. Tom. 24.

Ccc ij